

ՊԱՇՏՈՆԱԿԱՆՔ

ԳԵՐԱԳՈՒՅՆ ՆՈԳԵՒՈՐ ԽՈՐՀՐԴԻ ԺՈՂՈՎ ՄԱՅՐ ԱԹՈՌ ՍՈՒՐԲ ԷԶՄԻԱԾՆՈՒՄ

Նունիսի 1-ին Մայր Աթոռ Սուրբ Էջմիածնում, նախագահությամբ Ն.Ս.Օ.Տ.Տ. Գարեգին Բ Ծայրագույն Պապրիարք և Ամենայն Տայոց Կաթողիկոսի, գումարվեց Գերագույն հոգևոր խորհրդի ժողով:

Օրակարգում ընդգրկված էին Տայ Եկեղեցու ներկեկեղեցական և միջեկեղեցական կյանքին առնչվող մի շարք հարցեր:

Մայր Աթոռի միջեկեղեցական հարաբերությունների պարասխանապատ Տ. Եզնիկ արքեպիսկոպոս Պեպրոսյանը ժողովականներին ներկայացրեց Ամենայն Տայոց Կաթողիկոսի Վրաստան կաթարելիք այցելության նախապարաստական աշխատանքները: Նունիս ամսին Տամայն Վրաստանի Կաթողիկոս-Պապրիարք Իլիա Երկրորդի և Վիրահայոց թեմի թեմական խորհրդի հրավերով նախապեսված էր Վեհափառ Տայրապետի պաշտոնական այցը Վրաստան և Վիրահայոց թեմ: Այս առնչությամբ Եզնիկ Սրբազանը Գերագույն հոգևոր խորհրդի անդամներին րեկեկացրեց, որ Վրաց Եկեղեցու պետի և Վիրահայոց թեմի թեմական խորհրդի խնդրանքով Ամենայն Տայոց Կաթողիկոսի այցը հետաձգվել է հոկտեմբեր ամիս: Տոկտեմբերի 22-23-ին Նորին Սրբությունը հյուրը կլինի Իլիա Կաթողիկոս-Պապրիարքի, իսկ հոկտեմբերի 24-28-ը Տովվապետական այց կկատարի Վիրահայոց թեմ՝ Թբիլիսի և Զավախք:

Գերագույն հոգևոր խորհուրդը, արձանագրելով կրթական ոլորտում իրականացվող վտվոխությունները, անդրադարձավ նաև Տայաստանում օտարալեզու դպրոցների բացման հարցին: Զննության առնելով այս առնչությամբ առաջարկվող օրենսդրական նախաձեռնությունները և հասարակության մեջ առկա մտահոգությունները՝ Գերագույն հոգևոր խորհուրդը որոշեց հորդորով դիմել ՏՏ կառավարությանը՝ առավել գործուն քայլեր ձեռնարկելու գործընթացի հետ կապված խնդիրները շահագրգիռ անձերի և կազմակերպությունների հետ քննարկելու և մոտեցումներն առավել հստակեցնելու: Սրեղծվեց հանձնաժողով՝ գործընթացի մանրամասներն ուսումնասիրելու և առ այդ Գերագույն հոգևոր խորհրդին զեկուցելու:

Ժողովն ավարտվեց Ամենայն Տայոց Կաթողիկոսի օրհնության խոսքով:

ՄԱՅՐ ԱԹՈՌ ՍՈՒՐԲ ԷԶՄԻԱԾՆԻ
ՏԵՂԵԿԱՏՎԱԿԱՆ ՆԱՄԱԿԱՐԳ